

Nd. **372. Frumvarp til laga** [189. mál]

um breyting á lögum nr. 52 5. júní 1957, um eyðingu refa og minka.

(Lagt fyrir Alþingi á 89. löggjafarþingi, 1968—69.)

1. gr.

Fresta skal að framkvæma ákvæði 11. gr. laganna um eitrun fyrir refi og minka næstu 5 ár. Jafnframt er bannað að eittra fyrir þessi dýr á sama tímabili.

2. gr.

Lög þessi öðlast þegar gildi.

Athugasemdir við lagafrumvarp þetta.

Með lögum nr. 9 19. marz 1964, um breyting á lögum nr. 52 5. júní 1957, um eyðingu refa og minka, var svo fyrir mælt að fresta skyldi að framkvæma ákvæði 11. gr. laga nr. 52 1957, um eitrun fyrir refi og minka næstu 5 ár. Jafnframt var bannað að eittra fyrir þessi dýr á sama tímabili. Að athuguðu máli þykir rétt að fresta framkvæmd ákvæða 11. gr. téðra laga um önnur fimm ár og banna jafnframt að eittra fyrir refi og minka á sama tímabili. Þess vegna er frumvarp þetta flutt.